

# Premier Evelyn Wever-Croes contento cu Parlamento a aproba cambio den ley di LAft

ORANJESTAD (AAN): Parlamento di Aruba dia huebs 6 di juni a trata e cambianan den ley di LAft na unda cu Parlamento a aproba cambio den ley di LAft. E cambianan ta basicamente dos, maske cu Gobierno kier a haci mas cambio, pero a dicidi di laga eseynan pa momento di introduci e propio Begrotingskamer.

Den e cambio aki Gobierno ta propone e normanan di deficit y surplus nobo, y ta regla e nombramento di ex-politiconan den e college.

Den su disertacion, Prome Minister a elabora riba diferente punto poniendo enfasis riba e Begrotingskamer cu lo worde introduci aki dos aña pa asina Aruba tin su propio supervision financiero.

## HERENCIA FINANCIERO DEPLORABEL:

Despues cu Gabinete Wever-Croes 1 a sinta, tur hende a worde confronta cu e realidad financiero di nos pais. Deficit hopi mas halto cu premira, no cumplimentu cu 'deadline' pa entrega presupuesto y cuenta anual y cantidad di recibo di e gobierno anterior cu tabata 'pop up' di sorpresa cu Gabinete Wever-Croes 1 mester a paga.

Institucionan di supervision no a cumpli cu nan tarea di

supervisa y gremionan cu mester tabata critico, tabata keto mientras e gobierno anterior a hiba Aruba na borde di bancarota.

Locual tabata peor ta cu e normanan poni den ley no a worde cumpli cu nan y no por a worde cumpli cu nan tampoco. Aparte di esaki tabata tin total desconfianza den Aruba. Tanto Hulanda como rating agencies no tabata tin confianza mas. E credibilidad di Aruba tabata na peliger.

## NORMANAN NOBO:

Gabinete Wever-Croes 1 a prepara un memorandum financiero economico cu ta stipula un caminda con pa saca Aruba for di e problemanan financiero.

A base di e memorandum aki a presenta un presupuesto pa 2019 den cual ta baha e deficit di 149 miyon Florin den 2018 pa 25 miyon Florin den 2019 y pa 2020 ta premira un surplus pa prome biaha den hopi tempo.

Den un reunion publico na september 2018 Parlamento a aproba e normanan aki den un mocion.

## PROTOCOL 2018:

A base di e memorandum financiero economico y e aprobacion di Parlamento, Minister President Evelyn Wever-Croes y Minister di Finansa Xiomara Ruiz-Maduro a bay negocia un



protocol nobo cu Hulanda pa asina crea un base di confianza y pa evita un otro KB.

Na november 2019 a yega na palabracion cu pa aña 2019 lo tin un deficit di maximo 0.5% di GDP, pa 2020 lo tin un surplus di minimo 0.5% di GDP y pa 2021 y despues lo tin un surplus di minimo 1% di GDP. Di e forma aki lo saca Aruba for di deficit y Aruba por cuminsa paga su debe back.

E protocol aki a trece back tranquilidad den e relacion cu Hulanda. Tambe a pone e fundeshi pa e confianza por bolbe. Indudablemente lo no ta facil pa cumpli cu n'e, pero Gabinete Wever-Croes 1 lo cumpli cu n'e. No pa tene Hulanda contento sino pa Aruba mes.

E normanan aki mester

worde cambia den ley y esey ta e cambio cu a worde trata den Parlamento dia huebs 6 di juni.

## EX POLITICONAN:

Dia gobierno di AVP a pasa e ley di LAft, na ultimo momento e Fraccion di AVP a pone un prohibicion cu ex politiconan no por forma parti di e CAft. Segun nan a bisa e tempo ey, pa asina Nilo Swaen ni Nel Oduber por bira miembro di CAft un dia. Sinembargo Gabinete Wever-Croes 1 ta di opinion cu nos no mester limita nos mes pasobra nos tin algun ex politico cu lo ta hopi bon pa ocupa un funcion den CAft. E parti di e cambio aki tambe ta inclui den e ley cu a worde trata den Parlamento.

## RUMBO POSITIVO:

E protocol firma y e maneho financiero serio di Gabinete Wever-Croes 1 a cuminsa duna su frutonan positivo. IMF a publica un rapport positivo den cual ta demostra cu e confianza tey back atrobe den Aruba, debi na e maneho responsabel, firme y realistico pa atende cu finanzas. Aruba a mantene tambe e rating di Fitch, cu casi a bay perdi debi na mal maneho di gobierno anterior. Ta danki na e vision nobo di Gabinete Wever-Croes 1 Aruba no a perde e rating. Y tin mas interes

awor den Aruba pasobra tin un biento fresco, tin un gobierno nobo cu ta pone e ser humano central, y p'esey ta determina di pone finanzas publico na orden back. Awor tin un Minister di Finansa cu sa di e materia y ta tuma e decisionnan necesario cu caracter y firmesa, decisionnan necesario pa hiba Aruba padilanti.

## BEGROTINGSKAMER:

E protocol 2018 ta e base pa Aruba haya e autonomia financiero back, y e cambio di e LAft di awe ta e preparacion pa esaki. Segun e protocol en todo caso aki dos aña Aruba lo introduci su propio e Begrotingskamer cu lo ta encarga cu e supervision financiero.

Preparacionnan ta andando caba pa asina e Begrotingskamer cuminsa funciona mas trempa pa asina aki dos aña por tuma over e tareanan di CAft sin problema.

"Poco poco pero sigur nos ta saca Aruba for di e abismo financiero cu nos a encontr'e na 2017. Pasobra nos ta pone e ser humano central y e ser humano no por desaroya cu un debe gigantesco asina. Nos ciudadanonan merece un miho calidad di bida y esey nos ta determina pa brindanan", segun Premier Evelyn Wever-Croes.

Aruba a carga e proyecto como un asunto di e pais

## No por existi asistencia Hulandes pa resultadonan Citgo

*\*Reino a mustra gobierno anterior riba riesgonan proyecto*

*\*Citgo lo trece mas gasto aunke no realisa e proyecto*

ORANJESTAD(AAN)-- Mientras na Aruba tin preocupacion grandi pa e resultadonan cu e proyecto rehabilitacion refineria por tin pa e pais, informacion cu DIARIO a ricibi ta indica cu Reino lo no acepta responsabilidad pa ningun daño financiero cu Aruba a sufrir pa motibo di Citgo. Manera a wordo indica na DIARIO, Hulanda sigur ta mantene su postura cu el a

adverti contra e proyecto cu a wordo presenta na Reino como un "landsaangelegenheid" manera a bini dilanti den un carta cu Minister di Asuntonan Interior y Relacionnan den Reino a manda pa Tweede Kamer Hulandes dia 7 di juli 2016. E tempo Parlamento Hulandes a expresa su preocupacion grandi pa e proyecto y varios miembro a pidi pa tur splicacion y tambe

un postura cla si areglo di Statuut lo por haci cu Hulanda tambe ta responsabel pa resultadonan financiero di e proyecto. E garantia a wordo duna na Hulanda, cu Reino lo no ta responsabel pa ningun problema cu por surgi den introduccion di e proyecto. Manera awor DIARIO por comprende, Aruba a haci basta gasto cu Citgo. Te awor lo tin basta placa involvi den cada con-

sulta cu e proyecto ta existi pa no papia mes di e parti di infraestructura pa cual Aruba ta responsabel. Ademas di esaki e hecho cu e proyecto no a resulta, a haci pais Aruba responsabel pa gastonan social den un situacion di crisis economico cu Hulanda no ta considera circunstancianan cu tabata for di control di gobierno anterior, cu tabata adverti pa e peligran cu e

proyecto a encera. Te awor tin mas riesgo grandi na caminda, segun informacion, cu a mustra riba e responsabilidad enorme cu Aruba tin pa dicidi kico ta bay pasa pero tambe con ta sigui of disolve e proyecto. Tin otro gastonan mas grandi cu por ta spera Aruba, segun informacionnan cu DIARIO lo sigui presenta na su lectornan.